

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلکمزہ موافق آثار قبول اولنور.
درج ایدلین اوراق اعاده اولماز.

مجله ادبیات

اداره خانه سی باب عالی جاده سنده
۵۲ نومرولو « شرکت مرتبیه »
مطبعه سیدر.



استانبول ایچون سنه لکی مطبعه دن
آلتمق شرطیله ۴۰، طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

صوكره طاقديغمز طور ووضعت وحشيلره امنيتهجش اولديغندن قورقه قورقه ينه يانمز كلديلر .

بزم صوك تصادف ايتديكمز (فونه زين) لر ايشته بونلر اولدى .

۵ مایس — اورمانلره مستور كوچك جزيره لردن متشكل بر بوغازده يولمز ده دوام ايديوورز . بوراده كترله كوريلن قره باطاق ، اوردك ودها سائر قوشلر بز كنديلرينه تقرب ايدر ايتمز اوركوب قاجيورلر .

سفينه مزك كيرمش اولديغي قانال بعضاً او قدر طارلاشيوركه انجق ايكي كهي يان يانه كچه بيلير . بعض يرلرده ديركارمز عادتاً سالدله بولنان اشجاره سورونيور .

او كندن مرور ايتمكه اولديغمز (ايساس - سوند) ساحه منجمده سي اوزرنده نظر آله بيلديكنه امتداد ايدر .

آقشام ساعت آتیه طوغر و قانال لردن چقيوردق . جسيم طالغالر دهشتلی بر صورتده كهي يالپا ايتديرييور ، برتندباد عظيمك سوق مقاومت بر اندازانه سيله بولولطر بتون بر نقطه ده تراكم ايديووردی . طالغالر كهي يي حزين حزين چا تر داتيور ، او قوجه تكنه تير تير تيريوردی . بحر محيط كيره مداهش بر فورطنه ايچنده داخل اولدق !

مسین دانسه

کوی حکیمی

(مابعد)

دوشورمه سی : — سولوكلار تقريباً ياريم ساعت قالدقندن صوكره كندی كندينه دوشر ايسه ده شايد دوشمه سی دها زياده تاخر ایده جك اولور ايسه باشلرينه بر آز

طوز اتمك ياخود بردامله شراب داملاقم و صوكره قويروقلرندن طوتوب چكمك صورتيله بالالترام دوشورمك لازمدر .

سيلان دمك تمديدی : — سولوكلار دوشدكدن صوكره وجوددن دها قان چيقارلق مطلوب ايسه بونلرک مص ايتدكاری محلك اوزري صيحا صويه باتيرلمش برسونكر ايله ييقانوب صوكره ملين بر لابه ايله ستر ايدلمه ليدر .

سيلانی قطع اتمك (دينديرمك) : — زياده دم سيلانی خصوصيله چوجوقلر ايچون ضعفی موجب اوله جنی جهته بونك اوكنی آلق لازمه دن اولوب بونك ايچون ده سو- لوكارك حصوله كتيردكاری ياره لر اوزرينه رچينه طوزينه باتيرلمش بر آز قاو طلاشی ياخود يومشاق قاو پارچه سی وضع ايدهرك اوزرينی بر مدت ال ايله باصديرمق وبونی قان دينجه يه قدر براقق ايجاب ايدر . اكر بوتدير کافی كلز ايسه مذکور سولوك ياره-

لرينك اوزرينه پارماقلره باصيلوب و آراصره پارماقلر رفع ايله قانك دينوب دينه ديكي تفتيش اولنوب بوصورته سيلان قالمانيجه يه قدر دوام اولمه ليدر . شايد بوتدير دخي موفقيتهجش اوله مازسه ياره نك بولنديغي محله دري يي حميز ، قيصقاج كهي برشی اعانه سيله طوتوب صيقمه ايدر .

سولوك ياييشديريلان يرلری ييقامق : — سولوك ياييشديريلان محللرده بعضاً فوق العاده بر تخرش حاصل اولور . بونی دفع اتمك ايچون سولوكلار دوشدكدن صوكره ، ياره محللرينی ، ياری صو ياری شراب قاتلق صورتيله استحصال ايديله جك محلوله ايصال- دلش سونكرله ييقامه ليدر .

سولوكلارك تكرار استعماله صالح برحاله كتيرمه سی : — سولوكلار بر كره ياييشديريلدقندن صوكره تكرار استعمال ايچون محافظه ايدملك ايسته نيدير ايسه بونلرک مص ايتدكاری قانی

قی ايتديرمك ايجاب ايدر . بونك ايچون سولوكلاری صوغوق كول اوزرينه وضع ايتمه ليدر . بونلر كول اوزرينه وضع ايديلير ايديلر امدكاری قانی دفع اتمكه باشلارلر ؛ شايد بوصورته تماميله مطلوب حاصل اولماز ايسه قويروقلرندن طوتوب ال ايله باش طرفلرينه دوغرو خفيفه صيغامي و بو وجه ايله حاوی اولدقلى قان كاملاً طرد ايدلمه ليدر . بعده دفعاتله صودرونه دالديروب دقتله ييقامه ليدر ؛ زیرا وجودلری اوزرنده كول قاليرسه چابوق محو اولورلر . مع مافیه سولوكلارك اكتری بعد الاستعمال چوق ياشايه ميوب بر قاچ كون ظرفنده اولور .

بركره استعمال اولنوب ده بيان اولنان اصول ايله مص ايتدكاری قان چيقارلمش اولان سولوكلارك اسكي قوتلرينی بولملری ايكي اوج آی راحتته متوققدر ؛ یعنی تكرار بر محله ياييشديرلىق ايچون او قدر مدت كچه سی اقتضا ايدر .



اوجنجی باب

— طبيعت مېلنی ايجاب ايدره احوال —

آتيده بيان وتعداد اولنه جق احوالده بر نتيجه و خيه ظهورينه محل ويرلمك اوزره بر طبيب حاذق معاونه شتاب و مراجعت اتمك لازمدر :

۱ — دوشمك ، ياره نك كهي احوالده ، خسته فوق العاده مضطرب اولديغي واعضا- سندن برینی اوينا نه ماديغي زمان ؛ (مابعدی وار)

